



Broj: 01/14-02-1751/23-1
Sarajevo, 20.06.2023.g.

Primljeno:		ZU-06-2023	
Org. jed.	Broj	Priloga	Vrijednost

PREDSTAVNIČKI DOM PARLAMENTA FEDERACIJE BiH

Dana 19.06.2023. godine održana je 5. sjednica Odbora za ekonomsku i finansijsku politiku Predstavničkog doma Parlamenta Federacije BiH (u daljem tekstu: Odbor). Sjednici Odbora prisustvovao je dovoljan broj članova, tako da su ispunjeni uslovi za punovažan rad u pogledu kvoruma i odlučivanja.

Na sjednici je predložen i jednoglasno usvojen sljedeći

DNEVNI RED

1. Izvještaj o izvršenju Programa rada Agencije za reviziju privatizacije u FBiH za 2022. godinu,
2. Kvartalni izvještaj o dugu Q4/2022,
3. Izvještaj o zaduženju Federacije Bosne i Hercegovine po osnovu emisije trezorskih zapisa (6M) na dan 25.04.2023. godine,
4. Zaključci Odbora za ekonomsku i finansijsku politiku Predstavničkog doma Parlamenta FBiH,
5. Izvještaj o naplati javnih prihoda, broju uposlenih radnika i izvršenim inspekcijskim nadzorima kod priređivača igara na sreću na području FBiH u vremenskom periodu od 01.01.2022. do 31.12.2022. godine,
6. Zahtjev Ustavnog suda FBiH, broj: U-17/23., od 18.05.2023. godine,
7. Inicijativa za davanje autentičnog tumačenja odredbi Zakona o poreznoj upravi FBiH, koju je dostavila Agencija za vodno područje Jadranskog mora Mostar, broj: 10-1/45-1-158-2/23 od 22.05.2023. godine,
8. Inicijativa za izdvajanje dodatnih sredstava za samozapošljavanje i zapošljavanje Roma i kreiranje posebnih pilot programa funkcionalnog osnovnog obrazovanja i doškolovanja Roma koji se nalaze na evidenciji kantonalnih odnosno Federalnog zavoda za zapošljavanje, koju je dostavio Romski informativni centar – Kali Sara, broj: 105/2023., od 22.05.2023. godine,
9. Razmatranje Dopisa koji je dostavilo Udruženje poslodavaca u FBiH, broj: I-130/23, od 12.06.2023. godine,
10. Tekuća pitanja



Na osnovu člana 44. a u vezi sa članom 63. Poslovnika Predstavničkog doma Parlamenta Federacije BiH, Odbor podnosi sljedeći:

IZVJEŠTAJ

Ad-1.

Nakon uvodnog izlaganja predstavnika Agencije za reviziju privatizacije Federacije BiH, članovi Odbora su obavili diskusiju i jednoglasno donijeli sljedeće

ZAKLJUČKE

1. Odbor za ekonomsku i finansijsku politiku Predstavničkog doma Parlamenta Federacije BiH prihvata Izvještaj o izvršenju Programa rada Agencije za reviziju privatizacije u Federaciji BiH za 2022. godinu.
2. Odbor za ekonomsku i finansijsku politiku Predstavničkog doma Parlamenta Federacije BiH predlaže Domu naroda Parlamenta Federacije BiH da nastavi parlamentarnu proceduru izmjene Zakona o reviziji privatizacije državnog kapitala u privrednim društvima i bankama koji je usvojen 20.11.2019. godine.

Ad-2.

Predstavnica Federalnog ministarstva finansija je upoznala Odbor sa dostavljenim Kvartalnim izvještajem o dugu Q4/2022, nakon čega je Odbor obavio raspravu i jednoglasno usvojio sljedeći

ZAKLJUČAK

Odbor za ekonomsku i finansijsku politiku Predstavničkog doma Parlamenta Federacije BiH prihvata Kvartalni izvještaj o dugu Q4/2022.

Ad-3.

Uvodno izlaganje dala je predstavnica Federalnog ministarstva finansija, Odbor je obavio raspravu, te jednoglasno donio sljedeći



ZAKLJUČAK

Odbor za ekonomsku i finansijsku politiku Predstavničkog doma Parlamenta Federacije BiH prihvata Izvještaj o zaduženju Federacije Bosne i Hercegovine po osnovu emisije trezorskih zapisa (6M) na dan 25.04.2023. godine.

Ad-4.

Odbor je jednoglasno konstatovao da ostaje pri svojim zaključcima koji su usvojeni na Tematskoj sjednici Odbora, održanoj 10.05.2023. godine o temi Informacija o statusu Agencije za privatizaciju u Federaciji BiH i predlaže Predstavničkom domu Parlamenta Federacije BiH da iste podrži i usvoji kako bi se čim prije riješio problem Agencije za privatizaciju FBiH.

Ad-5.

Uvodno izlaganje dao je direktor Porezne uprave Federacije BiH gosp. Šerif Isović, nakon čega je Odbor obavio raspravu i iznio svoje prijedloge, primjedbe i sugestije, te jednoglasno donio sljedeće

ZAKLJUČKE

1. Odbor traži od Porezne uprave Federacije BiH dopunu informacije i to:

1.1. Podacima za svakog pojedinačnog priređivača igara na sreću lutrijske, sportska klađenja, RNG igre, Internet klađenje, automat klubove i kasina koji uključuju:

- broj poslovnih jedinica po vrstama igara
- uplate
- naknade za uplatu
- dobitke
- porez na dobitke
- isplata igračima
- mjesečne i/ili godisnje naknade za sve igre po priređivaču
- prihod priređivača

1.2. Podacima po priređivaču o uplaćenim javnim prihodima: penzijsko i invalidsko osiguranje (PIO), zdravstveno osiguranje (ZO), nezaposlenost, porez na dohotke po vrstama, porez po odbitku, porez na dobit i ostale javne



prihode.

- 1.3. Podatke o poštivanju člana 90. stav 5. Zakona koji se odnosi na priređivače RNG igara u pogledu prijave privremenog zatvaranja uplatnih mjesta.
3. Odbor traži od Porezne uprave Federacije BiH da dopuni informaciju i sa dostavljenim podatkom koliko je uplaćeno poreza od ukupnog prometa do 100 KM i preko 100 KM i koliko je uplaćeno u Budžet Federacije BiH od ukupnog prometa.
4. Odbor traži od Lutrije BiH da dostavi Dokument revizije poslovanja Lutrije BiH za zadnje dvije poslovne godine.

Obrazloženje: Obzirom da nije jasno zašto Izvještaj o naplati javnih prihoda, broju uposlenih radnika i izvršenim inspeksijskim nadzorima kod priređivača igara na sreću na području FBiH u vremenskom periodu od 01.01.2022. do 31.12.2022. godine nije obuhvatio Lutriju BiH koja ima 89 klubova sa najmanje 1500 aparata, Odbor traži da se dostavi potpuna informacija.

Ad-6.

Odbor je razmotrio Zahtjev Ustavnog suda BiH broj: U-17/23 od 18.05.2023. godine i jednoglasno podržao sljedeći

ZAKLJUČAK

Odbor predlaže Predstavničkom domu Parlamenta FBiH da zaduži Vladu FBiH da sačini i dostavi traženi odgovor po Zahtjevu Ustavnog suda FBiH broj: U-17/23.

Ad-7.

Dana 22.05.2023. godine Odbor je zaprimio Inicijativu za davanje autentičnog tumačenja odredbi Zakona o poreznoj upravi FBiH pod brojem: 10-1/45-1-158-2/23, a koju je Parlamentu Federacije BiH uputila Agencija za vodno područje Jadranskog mora Mostar. Odbor je konstatovao da nije dobio potrebno Mišljenje Vlade Federacije BiH o navedenoj Inicijativi, te jednoglasno donio sljedeći

ZAKLJUČAK



Odbor će zauzeti svoj stav i o tome obavijestiti Predstavnički dom Parlamenta Federacije BiH kada dobije pismeno očitovanje odnosno Mišljenje Vlade Federacije BiH o Inicijativi za davanje autentičnog tumačenja odredbi Zakona o poreznoj upravi Federacije BiH kojim bi se utvrdilo autentično tumačenje odnosno značenje odredbi člana 1. stav 4. Zakona o poreznoj upravi FBiH ("Službene novine FBiH", br. 33/02, 28/04, 57/09, 40/10, 29/11, 27/12, 7/13, 71/14, 91/15 i 44/22).

Ad-8.

S obzirom na činjenicu da sjednici Odbora nije prisustvovao ovlašteni predstavnik Romskog informativnog centra – Kali Sara u svojstvu podnosioca Inicijative, Odbor nije ni razmatrao ovu tačku dnevnog reda, a na osnovu člana 51. stav 2. Poslovnika Predstavničkog doma Parlamenta Federacije BiH.

Ad-9.

Nakon uvodnog izlaganja prisutnih predstavnika Udruženja poslodavaca u FBiH, Odbor je detaljno razmotrio dostavljenu Urgenciju, obavio raspravu i jednoglasno donio sljedeće zaključke koje upućuje u daljnju parlamentarnu proceduru na usvajanje kako slijedi

ZAKLJUČCI:

1. Odbor podržava Urgenciju Udruženja poslodavaca u FBiH i predlaže Predstavničkom domu Parlamenta FBiH da ova dva zakona: Zakon o doprinosima i Zakon o porezu na dohodak uvrsti u dnevni red 3. redovne sjednice Predstavničkog doma na dan 21.06.2023. godine.
2. Odbor predlaže Vladi FBiH da formira Radnu grupu za pripreme fiskalnih zakona.
3. Odbor predlaže da se čim prije stave u parlamentarnu proceduru Izmjene zakona o bankama.

Ad-10.

Pod tekućim pitanjima predsjednik Odbora je upoznao prisutne članove Odbora sa materijalima koji su pristigli na Odbor od Westminster fondacije za demokratiju, a



BOSNIA AND HERZEGOVINA
FEDERATION OF BOSNIA AND HERZEGOVINA
PARLIAMENT OF THE FEDERATION
HOUSE OF REPRESENTATIVES

koji se odnose na radionice koje su održale Komisija za pitanja mladih i Odbor za ekonomsku i finansijsku politiku Predstavničkog doma Parlamenta FBiH uz podršku Westminster fondacije za demokratiju sa ciljem identificiranja područja za saradnju u oblasti ekonomije i zapošljavanja mladih ljudi.

U sklopu radionice definisane su četiri ključne oblasti na kojima će se raditi u daljnjoj budućnosti:

- Zakon o studentskom radu
- Zakon o digitalnim nomadima
- Uvođenje kategorije o samozapošljavanju
- Zakon o društvenom poduzetništvu.

Također, predsjednici Odbora i Komisije će zajedno sa Westminster fondacijom za demokratiju inicirati sastanke sa nadležnim ministrima kako bi osigurali uključenost i podršku svih relevantnih strana u procesu kao i osiguravanje podrške za usvajanje i identificiranje zakona.

Za izvjestioca Odbora određen je Admir Čavalić, predsjednik Odbora za ekonomsku i finansijsku politiku.

PREDSJEDNIK ODBORA


Admir Čavalić